

十字牌法

一
函
二
冊
函

咸豐丁巳年刊

十家牌法

本署藏版

兵部侍郎兼都察院右副都御史巡撫陝西等處地方贊理軍務兼理糧餉曾爲

通飭舉行十家牌法以靖地方事查弭盜之法莫善於保甲而保甲之行必在於得人自非留心民事實能愛民之賢有司雖有良法非視爲具文故事卽轉以科派滋擾所謂徒法不能以自行也本部院前在京尹任內奉

旨保奏前任大興縣告病知縣胡令啓文查得該令前任武清縣所行十家牌法刊刻成書簡而易行著有成

效其法首在編查保甲以清盜源次則聯戶支更以
嚴緝捕又次演習號令以一人心又次聯絡衆村以
禦強寇能令合邑如一村合村如一家使宵小無所
潛蹤寇盜不敢侵犯民皆愛之如父母奉之如將帥
苟非該令平素實心愛民真能爲民禦災捍患使之
實沾其惠曷以得此其書具在法皆可行經本部院
任京尹時於保舉摺內

奏明通飭各屬照辦茲奉

恩命來撫是邦思所以綏靖地方保衛閭閻使屬境免蹈
疎防之咎舍此別無良法古人保甲之書非不汗牛
充棟而繁瑣實多今之舉行保甲大都故事虛文而
實效殊少惟此書爲最簡明保甲卽以團練並非有
二果能認真奉行未有爲其事而無其功者也爰取
其書重爲刊刷頒發各州縣每村莊各派一本該州
縣於是書頒發到日刻卽查照成法徧諭境內認真
遵行該牧令尤須不時親歷各村莊傳集紳耆面爲

諄諭務使父老子弟咸曉然於此法之實能保護閭閻共衛身家歡欣鼓舞樂於從事庶爲有益諸牧令果認真奉行卓著成效不惟守望相助盜賊是弭且使鄉民共敦睦婣任卹之風卽以徵政績之循良倘視爲具文或抑勒以強民從轉滋擾以生事端以致宵小竊發盜賊肆行則是該牧令甘於暴棄不顧考成其自取咎戾應如何懲創之處當各自知亦毋庸本部院之饒舌也其各凜之勉之

清查保甲
知匪不報
十家連坐

十家牌法

諭鄉保司事人等知悉現奉 憲檄清查保甲行十

家牌法應令鄉保司事人立造保甲清冊每大村派
公正紳民十人或八人作爲村正村副中村八人或
六人小村二三人或一二人冊內先開村正年貌履
歷次村副次地方鄉約後載各戶按家開列以十家
爲一甲每家名下開載年貌履歷父母兄弟妻子每
甲公推一家爲甲首統管十家十家內如有爲匪窩

竊習教局賭等情許九家告之村正村副嚴加禁約
禁約不聽許九家會同村正副送案究治隱匿不告
事犯連坐爾等明舉暗報自有本縣主持畏事徇情
必受匪徒拖累此爲稽查外來奸細清理本處地面
爲爾村民身家深計法在必行諭到大村限一月造
齊送案查核中村二十日小村十日各宜趕緊辦理
倘有阻撓抗延定不寬恕凜之毋違特諭

諭鄉保地牌司事人等知悉遵照 各憲會議緝捕

打更合村
擒盜

燈罩皮襖
二物有有
力好義者
捐辦更佳

章程飭令民間設十家牌支更連莊捕盜以弭盜賊
而安良善除本縣嚴差緝捕外諭到該鄉保地牌立
卽在於本村會同司事人等除去老幼女戶殘疾無
論紳士旗民鋪戶按十家爲一牌每牌公置燈罩一
座皮襖一身各家各備大柳一具木棍一根每夜每
牌輪派一家出人支更照應本牌十家門戶十日一
輪周而復始支更之家將公設燈罩放在門首身穿
公置皮襖持柳挾棍徹夜巡警不打更之家將柳棍

放在牀頭放心穩睡打更之法尋常按照更鼓從容
敲打見有賊盜無庸聲張但將木梆亂敲以爲暗號
一牌梆亂各牌梆聲皆亂在家睡宿之人一聞梆亂
卽取枕邊之梆一齊亂敲接應立刻起身持棍出捕
若聞鄰村有警以一半前往協助留一半以備本村
盜賊竄入立卽擒拏送案本縣必將首先見賊及首
先下手獲賊並幫同拏賊之人分別獎賞一牌之中
統計一月一家不過輪派三夜其餘二十七夜皆可

高枕安眠三夜燈油花錢不過十數按月輪替辛苦
只有三天不但盜賊難偷獲賊兼可得賞爾等何憚
不爲試想種地之家全仗幾頭牛驢一經偷去田地
無法可耕饑餓將來不免再如糧食衣服器皿置買
本屬艱難偷去豈能再辦縱然報案拏賊多費張皇
即使拏賊到官追贓未必全在與其事後懊惱何如
早先預防此番舉動總要明白是爲你們身家起見
自然急公踴躍不肯畏難苟安矣再者村中空廟空

審都要關閉堵塞免使匪徒藏身日間如見外來遊
手形跡可疑之人亦卽拴獲送縣由本縣訊辦無使
逗遛致生事端本村中如有手脚不穩及有外處面
生可疑之人來住者立即稟明究辦不可容隱以清
盜源諭到鄉保地牌司事人等務各遵照妥爲勸諭
認真辦理毋得視爲泛常或僱覓游民乞丐打更轉
爲盜賊耳目一經本縣查出定將該鄉保地牌司事
人等責懲決不寬貸凜之毋違特諭

演習打更
擒賊號令

有警之村
莊日間亦
須演習無
警之村莊
日間雖不
必演習而
夜間之演
習斷不可
廢果夜夜
如此演習

爲習號令以一人心事保甲嚴查盜源清矣十家牌
行防範嚴矣而號令不習人心不一猶難期其得力
其法於日間午後約定演習號令每牌牌首站立一
人操持棒棍若打更狀家中各將棍棒放在身邊若
睡宿狀各牌首站立一人將棍棒分明敲打忽然一
牌梆聲亂敲各牌均皆亂敲家中之人亦各將棍棒
亂敲身帶腰牌出外照議定章程某家於村口作堵
賊狀某家會聚梆亂處作擊賊狀隨敲鑼十聲作獲

則盜賊必
不敢來矣

皆有強盜
連村合擒

賊狀各將腰牌交本牌牌首滙交村正村副以爲稽
查之據不到之家公同議罰日間演三四次再於二
更演三四次更於四更後演三四次號令習熟人心
自齊但遇有事一呼立應則守望相助之勢成而衆
志成城之效乃見矣各宜照辦毋忽

照得嚴查保甲可以清盜賊之源而防範之計尤不
可疎則繼之以十家牌十家牌行防範密矣而號令
不明卽人心不齊故繼之以習號令號令旣習人心

一矣然不聯絡鄰村其勢尙孤可以禦寡弱之賊不足禦強衆之盜其法各於村中高阜處設立望杆以本村爲主與四外之村相聯本村有警卽放鞭炮一掛爲號夜間於望杆急懸紅燈日間於望杆急懸紅旗鄰村一聞鞭炮聲響卽選精壯各持器械望懸燈扯旗之村迅赴救援仍留一半於本村持械戒嚴待賊竄至堵拏平日約定賊匪進村但許其來不許其去若放賊走卽未得有贓物亦將捉拏不力之人公

同議罰捉獲賊匪公同議賞拏賊到案本縣立與獎
賞并詳請獎勵合縣村莊層層聯絡一村聯爲一家
衆村聯爲一村卽合數百村聯爲一村以一家防禦
則孤以十家同心防禦數百家同心防禦數千家數
萬家數十百萬家同心防禦卽有賊匪盈千累萬亦
可不懼何況么魔小醜鼠竊狗偷而令其挖孔插杆
撞門毀戶以血汗所得之資仰俯所恃之具任其攫
去豈不可惜況今粵匪未靖尤宜思患豫防爲此示

仰闔境居民人等知悉爾等查保甲行十家牌後卽
當將號令習熟於村中高阜處豎立望杆本村與四
外鄰村層層聯絡大家約定若有賊警急放鞭炮一
掛日則拉旗夜則懸燈鄰村一聞號炮卽擇精銳以
一半赴援一半留在本村防堵截拏四面兜裹如張
彌天之網雖有強賊定當插翅難飛矣此是前人成
法百行百驗惟在實力奉行心真力果將見小之可
以靖一方之盜竊大之卽可以禦橫肆之逆匪古人